

671.1207
084
12

滄縣志

趙元禮題



丑

方輿志

河 建 古
流 置 蹟

南運河 中堂窪 義學 古蹟 壇廟表

減水河 歧口 署廳表 倉驛表 溝渠

宜惠河 津渡 廟學表 集會表 亭臺

石碑河 橋樑 學田 交通 名勝

狼窪 書院表 坊表 冢墓

卷之二
卷之三
卷之四

滄縣志目錄

序

凡例

圖

影

方輿志

卷之一 疆域

沿革 經緯度 四至八到 區鄉附表 土壤附表

卷之二 河流

南運河 減水河 宣惠河 石碑河 狼窪
中堂窪 歧口 津渡 橋梁

卷之三 建置

城市附表 署廳附表 廟學 學田 書院
義學 倉驛附表 集會附表 交通 坊表附表

卷之四 古蹟

古城 溝渠 亭臺 名勝 冢墓 壇廟附表

經制志

卷之五 賦役

田賦 雜稅 鹽法

卷之六 行政

政府 公安 教育 財務 實業 自治
黨務 團務 農會 工會 商會

文獻志

卷之七 職官

表傳

卷之八 人物

名宦 賢能 武功 儒行 文學 孝義
選舉附表 仕進附表 方技 美術 武術 忠節附表
隱逸 道釋 列女 流寓 統表

卷之九 藝文

經史子集

事實志

卷之十 宗教

儒釋 天方 天理 基督舊教 基督新教 道

卷之十一 生計

物產 幣度量衡 衣食住行

卷之十二 禮俗

士農工商 儀節 節令 結社 畋漁
習尚禁忌 娛樂 方言歌謠 回旗異俗

卷之十三 金石

卷之十四 輶聞

卷之十五 志餘

卷之十六 大事年表

滄縣志卷之二

方輿志二

河流

昔禹疏九河則壤成賦歷代始有水利之可言夫水何以利所以固堤防資灌溉也自治河之法不講地方人民未享水利先受水患滄邑瀕海受衆流委輸謹考河道之在滄者長短廣狹及漲落緩急情形著於篇其舊有河道今已湮塞者從畧爲作河流志

滄州爲漢渤海郡然郡屬不止於滄州南自鹽山縣至山東之樂陵陽信海豐等縣皆屬之海在州東百八十里渤海在州東百六十里

應邵曰海之旁出者爲渤又長蘆鹽法志水之盤迴者曰渤

北經滄州青縣靜海至天津諸

州縣之水滙也

南運河原名衛河又名御河

考據
見後

發源於河北衛輝府蘇門山

之百門泉納淇洹諸水東北流至直隸大名元城縣境又東北

至山東館陶縣西秤鉤灣合漳河又東至臨清州南接汶河下

流爲漕運北通州倉之正路故名南運河又北經直隸故城吳

橋東光等縣境又北至南皮交河交界之泊鎮又北三十里經

馮家口至白洋橋入滄境又東北八里經磚河鎮又北十五里

至捷地鎮南減水河自此東岸出

詳見
後

又北五里爲紅孩口又

北六里經佟家花園又北四里曲折抱城南西流轉北五里爲

宗家口又北經北人字汪

俗名銀子窪
對河呂家院

北藥廟前後埕子北堡子

過此分東岸爲滄界西岸爲青縣界又北十八里經楮官屯又北三四里經西呂家樓又北三里至高官屯過此全爲青縣境矣河行經州境者凡六十七里

舊志載唐書地理志清池縣西四十里有衡漳堤今廢似漳河故道在滄境與運河有無連係

是否館陶縣西之漳河下游無考

南運河考

按今運河古淇水也淇水出於春秋衛國地故名

衛河以前無可考在漢爲白溝河始引淇水以入之在隋名

永濟渠煬帝巡遊無度於大業季年命開濬此河以便南遊

故又名御河兼引沁河水以通之在元名會通河兼引濟水

以併之至明用白老人計遏汶沂二河皆使北流始爲今之

漕瀆此南運之所由名也要其所逕則與古合即水經注所

記淇水流逕亦大略相同可資考証又太平寰輿記唐移長蘆縣於永濟渠東一里亦足爲運河即永濟故道之証又案九河故道漢唐宋諸說如聚訟惟清聖祖御製幾暇格物篇折衷南北高下之形勢謂不出滄景二三百里間始昭然論定鹽山滄州並海實景州下游也今由交河滄州至天津直沽之河道應即爲最北之徒駭河故道齊乘又以滄南大連淀爲胡蘇河故道至章武入海然則運河固亦禹跡所播矣南運河隄壩險工

東岸隄自大廟前入州境起至磚河大寺南止有險工八第
一大廟隄頂沖次西邢莊月隄次薛家窩隄次東邢莊隄次

小無名月隄俱掃灣次娘娘廟前縷隄掃灣頂沖

最險河工

次無

名淺縷隄掃灣次三官廟西河岸頂沖掃灣自磚河大寺至
佟家坎險工一爲回回灣月隄掃灣又自佟家坎至高官屯
北交青縣興濟汎以上險工七爲北堡子次小朱家坎次大
朱家坎月隄次南橫隄老月隄次楮官屯南老月隄次楮官
屯月隄頂沖次北安堵淺月隄掃灣 西岸隄自南皮縣東
北界好漢坎起北至蓮花池止有險工五爲飲牛淺月隄次
蕭家莊月隄次蕭家莊東北遙埝次流佛寺前縷隄次流佛
寺東月隄皆掃灣

東西兩岸分文武二汎舊額設河兵一百九名州判汎分管

東岸北自北安堵淺起至佟家坎止計長二十九里西岸自

河窪村起至蓮花池止計長十一里分管河兵五十四名把

總汛分管東岸北自佟家坎接界起南至磚河大寺前止計

長二十八里西岸北自蓮花池接界起南至好漢坎止計長

二十七里分管河兵五十五名

天津府志以上隄工原有里數
段落考與河道多不符從略

又附郭

險工東岸第一紅海淺

即紅孩口地勢高
逾城垣儼若建瓴

次龍王廟

俗名南草壩
後改磚壩

次火

神廟

即張仙
閣西

次鹽場南

俗名北草
壩改磚壩

次鹽坨西次前埕子次索家碼

頭次南安堵次北安堵淺

在高官屯北下
游全入青縣

西岸首蓮花池

即強家
坎為佟

次石塘淺

家坎
對岸

即菜市口斜
對南草壩

次插花廟南北

在菜市
口北

次棗市廟

白家口
南名小

次楊家窪

口
即宗
家口

次戴家園次河窪村

在呂
家院

以上皆繫臨河縷

隄
州判案卷

古淺七曰朱家坎曰華嚴口曰紅孩口曰回回灣曰寇家灣
曰王家圈曰磚河大寺前 新淺四曰三里堂曰減河曰花
園曰大營舊設淺夫乾隆元年設河兵

運河東岸防汛堡所

磚河大寺前 磚河東鎮無梁殿 王家圈 白河涯 寇
家圈 捷地鎮 回回灣 紅孩口 佟家花園 甜水井
嚴崇坊鹽場前 華嚴菴 小朱家坎 大朱家坎 北
橫隄 褚官屯 索家碼頭 北安堵淺 飲牛淺 高家
灣 楊家窪 流佛寺 積土嶺 小官家莊 徐家淺

石塘淺 城西北楊家窪 呂家院

城南佟家花園玉皇廟隄爲州城保障所以防紅孩口也乾隆三年六月大雨水溢月隄內外與子堰相平勢甚危急又隄根爲沙淤一經水漲土滲隄穿搶修實難知州陸福宜駐隄晝夜防護州紳各率人衆赴工月隄外三日內築外隄二百五十餘丈知州詳請河督獎勵有差

光緒十四年夏水漲西南關瀕河隄岸甚危樂軍前哨哨官范天貴稟請統領梅東益自督隊增築隄岸數處七晝夜始得完固

捷地鎮減水河

一名南減河

明宏治三年開十二小河之一也長一

百八里出於衛河東岸建橋設閘以時啟閉河流東北行其

北岸西岸附近村莊起自萬家莊東逕張家坎宋家屯于家

莊橋祝家莊又逕風化店鎮邢家莊郝家莊東逕呂家樓竈

兒坡八里莊科

以下詳
狼窪

北子來屯北閣吳家莊大小嚴鎮台王

吉莊西姜家橋梁口何家橋張福莊楊官屯孫振莊安樂莊

爲止

即流散莊一
名劉三莊

其南岸東岸附近莊村起自張家場逕龔家

隄口雲河隄施家隄彭店南顧屯小官莊白兔莊崔家莊李

天木辛莊夏家莊保家莊小吳莊前後大吳莊九女河西官

莊萬家莊小胡莊高家口鄭家口小陳莊王大本莊呂家橋

王家橋逕吳家舖東紀家舖從此直逕東流十數里北滙大

溝窪迴東南由歧口入渤海

捷地減水河壩原因前明舊制雍正初年改爲五孔閘至乾隆時復改爲石壩嘉慶十二年起高壩底龍骨二尺二寸壩口寬留八丈每年運河漲時查看水勢開放以洩盛漲

雍正四年又築有遙隄一道在南埕之外起自于家莊迄於小吳家莊長五十餘里

減水河隄南北岸各分三段南岸頭段段內共十八莊第二段段內共十二莊第三段段內共十三莊北岸頭段段內共十四莊第二段段內共十二莊第三段段內共十三莊

乾隆十七年三十二三三十六等年累次挑挖四十六年又添

石海漫坦坡等工嘉慶九年道光三四五年又挑挖數次二十四年裁灣取直河道畧改如今

同治十一年知州項桂輪承修一次

光緒十三年知州駱孝先承修一次

光緒十三年八月州北閣呂郭等莊監生劉毓寅等呈稱所居村莊

附居減河北岸每逢南運河盛漲必啟捷地土壩瀉水而朱里口莊至小吳家莊等處因淤塞不通水難下流即漫入北閣莊田園廬舍盡被淹沒雖經年年堵築一連十餘年困苦流離不堪言狀現在石碑河下游已蒙撥款挑挖深通水患永除生等各村被減河漫口之患尤甚石碑河應懇詳撥數千金將朱里口以下至小吳家莊淤挖挑俾運河漲水減河不致漫溢則數十村水患可除實同再造經天津道胡批飭知州駱孝先估勘詳覆稱查卑州水患有三一宣惠河一石碑河一捷地減河均因年久淤塞每逢盛水不能暢流入海以致歷年漫決民不聊生現蒙撥款十餘萬金將宣惠石碑等河挑挖深通三患已去其二所未除者僅止減河一患前光緒五年承委署滄州時屢次勘估非有六七萬金不克一律挑挖深通七萬金不克一律挑挖深通工費過鉅籌款不易所幸捷地土壩至朱里口四十餘里兩隄極堅河身亦暢惟自朱里口至小吳家莊橋下約計八里淤塞最甚若將此節挑挖深通下接小直河順流入海則北岸數十村可以保全計長約一千四百丈有奇其北閣口門迎溜頂衝新培之土恐難堵禦加水草壩一座再接作魚鱗邊埝四段又接磨盤小壩一道共

需工料銀三千五百餘兩民力未能籌捐惟有請撥銀三千兩作爲以工代撫之款其
尙不敷另行籌措尋由天津籌賑局發銀三千兩四月初二日興工五月初二日告竣

治河舊說

清陳宏謨論運河疏運河河身原不寬廣每遇汛漲河水出
槽隄岸難於防堵雍正年間奉旨興修水利於滄州之捷地
汎青縣之興濟汎挖減河二道洩水東流在運河已受減河
之益而兩減河隄岸甚窄屢有潰決查兩減河左近歷係低
窪荒鹹之地未開減河以前田地常在水中惟請將捷地之
北隄興濟之南隄擇其地最窪下者開壩築堰將渾水引入
荒鹹之地既已分洩減河汹涌之勢又可將不毛之地淤肥
一俟運河水落歸槽即下閘斷流減河之水亦可及早消涸

計期正種秋麥不至如向日徒受清水浸泡而無益於種植
雖仍棄地於水實則藉水以肥地現下低窪之彭淀等處連
年河溢受淤已成膏腴是其明驗也附近村莊多在高平之
處亦無慮被淹之害如此則既受減河之利運河仍可以分
洩無滯云云

州人龐純呈伏查雍正四年挑通捷地減河設立閘口面寬
八丈安閘五孔內有金剛牆四堵每堵厚五尺共佔去二丈
淨面口止六丈運河水七分提閘一孔減河水半槽運河水
八分提閘二孔減河水平槽運河水九分提閘三孔減河水
與兩岸相平百姓日夜防守從無五孔閘板盡提者有閘時